



„Wos ner frie'r fier putzsche Dinger posiert sein, dos sellt mr manches mu gar nidlem. Fier etlichen Gohrn, stand an der Struße vun Olbernhau nuch Seiffn gleich in Grund dunten, de alte Bachfriedlmihle. Un wie nu dos is, in sunner Mihle, wu a immer annre Leite hinkumm, do muß doch a immr e bissl Schnops drheme sein. Un emu a bringt dor Budenfuhrmon e Fassl Kornschnaps mit aus Olbernhau. Weil der obr ohnst späte kam, kunntn se das Fassl nich erscht an Ort un Stelle schoffen, se dotens dorweile ins Gewelbe nein schteln. Hottn sich obr nischt dorbei geducht, doß da a Gense drinne worn. Wie nu de Gense ober sein, iberal e bill dron rim schnobbern, dos machn doch die Schindludrn ze gerne un so mochtn siech die Viechr a übr dann Spund ha, se hom am su lang genasselt, bis da Spund raus war, un da schinne Schnops rauslaffn tat. Wie nu obr die Viechr sein, e bissl Schnops, das saufn se doch a zu gerne. E su lange gesuffn, bis se

olle tutch worn, un se sich nich me von dr Schtelle rirn kunntn.

Wie nu annern Tog frieh beizeitn 'n Mihltränkner seine Fraa de Gense fittern will, wersche balle imgefolln fier Schreck. Ne su wos. Liechn die Viechr alle in dann Gewelbe un sein tut. Obr gor keene riert sich me. Nu do, ner fix 'n Mon gehullt, da muß de Soche angucken. Da kunnt nu a wetter nischt mochn, de Viechr sein am tut. Obr eb mersche nausschmeißen, da wulln mer die schinn Fadern rausruppn. Se setzn sich nu a olle gleich hin un ruppn de Gense obr a ganz noks, se worn doch ema tut. Wieße nu dodrmit fertg worn, ging doch de annre Arbeit gleich luß un se kunntn doch de

Obr.: Miýn Grundmühle, nazývaný také Waldschänke, kolem roku 1930



Pohled z Seiffner Grund

Viechr nich erscht eingrom, un dotn se derweile uffm Mist schmeißen. Na, dos Ding wor gut, dr Mihltränkner wor senn Schnops un a seine Gense luß.

Obr nu uf emu giht nuchmittsch e Gegoggere luß un kee Mensch weeß, wos dos sein konn. Bis nu `s Dienstmädl uffn Mist guckt, un wos musse do sahn. De gansn Gense huppn olle schplitternoksch uff dann Mist rimm. Notierlich fix, die annern gehullt, doß dies a sahn kunntn. Dos is jo a Dink, denkt der Mihltränkner, obr s bleibtn nischt annersch übrig, se fang nu de Viechr wiedr un schoffn se nein in de Stuwe. Se hottn siech a olle Mihe gam un wulltn se drhalln. Obr die orm Ludersch die frurn derartsch un wos bliebn Mihltränkner annersch übrig, se mußtn se ahm obstachn.

Sinstn worsch immr so gewasn, doß de Gense erscht tut gemocht wurn un nuchertz geruppt, der alle Mihltränkner obr die hottns emu annersch gemocht - un dos ging a.“  
(sepsáno v roce 1921)

Herausgeber:  
Gemeinde Kurort Seiffen  
[www.seiffen.de](http://www.seiffen.de)

Gefördert durch:



Ahoj sousede. Hallo Nachbar.  
Interreg VA / 2014–2020